


温宿府鄉土志

地610.59
1539

温宿府志

卷之



歷史

本境何代何年置

攷本境自乾隆二十四年平定準回始隸版圖經語名曰
阿克蘇同治初中原多事邊回復亂光緒三年大軍討平
本境於九年經阿克蘇道羅長祐稟請修建新城周九百
五十九丈高二丈二尺五寸雉堞七百五十箇門四東曰
朝陽西曰挹爽南曰迎薰北曰承恩置州名為溫宿直隸
州道員一州員一鎮總一員遊擊二員都司一員守備二
員

未置本境以前

唐虞夏商周屬何州

無考

春秋戰國屬何國

無考

秦漢以降何代屬何郡縣

何代屬何州名

攷本境自三代以上未通中國無從考據至西漢後始散
見於各代史乘在西漢時為溫宿國地方其國小垣役屬
於龜茲東漢明帝永平中溫宿王致為龜茲所立自魏至
元魏亦聽命龜茲終竟為龜茲所併唐太宗貞觀十一年
討平龜茲以溫宿為溫肅州隸安西都護府州之名實始



自唐也宋南渡後臣屬西遼至元太祖時區為別失八里地以封宗王阿只吉明永樂中其王歪思西遷地遂夷為回部入我

朝準噶爾強遂并成準部焉

既置本境以後

何代屬何

州縣

政本境自光緒九年置州原領縣一巡檢一二十八年改州為府將巡檢改為溫宿縣並添設縣丞至是領縣二曰拜城曰溫宿曰溫宿縣柯坪縣丞

政績錄官本境者有惠政均紀之以年月先後為次分三大端

興利

去害

聽訟

按本境自置州以來歷任各官於濬渠修路暨聽斷諸政祇間有可採惟查光緒二十年及三十一年彭守緒瞻前後兩任斯缺人咸頌其裁減糧稅為歷官所未有舉凡地少而賦多者則減徵賠納徵收時復嚴禁司巡不准淋夫踢斛暨收樣糧地脚雜稅亦大加減免迄今民猶稱道勿置

兵事錄

有全在本境者

無

有涉及本境者

按本境係新建城垣所有戰事概在溫宿縣城惟大軍往來以本境為通衢謹約略舉之一乾隆二十三年將軍兆惠追討大小和卓木留兵阿克蘇為後路及二十四年振旅還河後由阿分兵取道本境收復喀什噶爾和闐諸路一道光六年張格爾之亂揚威將軍長齡率兵至阿克蘇禦之於渾巴什河即瑚瑪刺克河賊敗而東路殆安迨光緒初湘軍追討白彥虎收復喀什噶爾亦由此進兵焉

耆舊錄以本境之鄉賢為後學之感勸約分為二

事業

無

學問

無

人類

本境於漢戶口外有他種人者務考其源流叙其本末俗大略均應編入

世系風查本境土著纏民係阿利伯回種也相傳教祖曰穆罕摩特自隸版圖以來無他種人雜處惟光緒初有陝西回種散居本城北關市鎮暨渾巴什阿瓦堤莊為數無多其源流世系雖難徧考而風俗可約略紀之其俗不祀神敬祖而事天有禮拜寺不塑像每七日河渾入寺跪而誦經熟於經典者曰河渾凡男女婚嫁必請河渾誦經謂之成禮如人死無棺槨尸以白布縛之亦請河渾誦經葬法以活底木匣盛

尸昇穴抽而瘞之不祭奠亦不弔唁服制或四十日百日除之紀年次三百六十日為一歲無閏月小建凡過年必先一月茹齋旦暮不食見月方飲啖謂之封齋俟月滿始開齋乃謂過年其過年第一日殺羔祭天畢相慶賀大小亦如之此回纏風俗相同之大略也推纏俗大小雜髮十餘歲即留鬚女子則髮垂數辨富者束髮綴以珊瑚細珠之類出門履以網花巾或白洋布男服敞衣圓領小袖前襟裏以花布表則朱綠不一無扣絆腰繫以帶女子則否凡襪履男女皆以牛馬皮為之此又纏俗獨異之大略也其餘婚喪各俗散著於

各書紀載茲不贅叙

戶口 務查明現在實數編入

漢戶男大小八百五十六丁女大小三百四十二口

纏戶男大小五萬三千四百九十丁女大小四萬四千二百二十八口

回戶男大小一千四百五十二丁女大小九百六十四口

氏族 本境有何大姓 無

宗教 本境所有外教務查明編入

回教人有小教回纏回兩種人數列上項戶口類

喇嘛黃教紅教人 均無

天主教人 無

耶穌教人 無

實業 凡齊民不入他教者務查明實業分而為四

士 約十餘人

農 約二萬餘戶

工 有漢回泥水裁縫銅鐵匠數十家

商 有漢回小商數十百家京貨鋪約十家以上人數均已列

入上項戶口類

地理

本境在省城之何方向若干里

按本境在省城西南相距二千九百里距京師一萬七百三十七里

本境四界係何境

按本境四界東界沙雅縣西界柯坪縣城東境南界和闐北境北界溫宿縣南境

本境分為若干區

按本境治地祇城東城西城南三鄉城北則屬溫宿縣謹就

東西南三鄉舊呼莊名記之 一東鄉曲垣莊在城東十里
東界柯柯巴什莊在城東六十里東界哈拉塔莊西界曲垣
莊南界伯什勒克莊北界溫宿縣境柯柯巴什莊在城東六
十里東界哈拉莊西界曲垣莊南界伯什勒克莊北界溫宿
縣境 一麻拍下莊在城東七十里東界哈拉塔莊西界伯
什勒克莊南界阿瓦提莊北界柯柯巴什莊 哈拉塔莊在
城東一百四十里東界沙雅縣境西界柯柯巴什莊南界和
闐境北界溫宿縣境 一西鄉寨里木莊在城西四十里東
界曲垣莊西界阿音柯莊南界渾巴什莊北界溫宿縣境

阿音柯莊在城西八十里東界寨里木莊西界薩依里克莊
南界渾巴什北界溫宿縣境 薩依里克莊在城西一百里
東界阿音柯莊西界柯坪縣城境南界洋瓦里克莊北界溫
宿縣境 一南鄉渾巴什莊在城南七十里東界伯什勒克
莊西界阿音柯莊南界阿瓦提莊北界寨里木莊 伯什勒
克莊在城南八十里東界一麻拍下莊西界渾巴什莊南界
阿瓦提莊北界曲垣莊 阿瓦提莊在城南一百六十里東
界哈拉塔莊西界玉琢滿莊南界戈壁北界渾巴什莊 玉
琢滿莊在城南一百里東界阿瓦提莊西界羊瓦里克莊南

界戈壁北界澤巴什莊 羊瓦里克莊在城南一百九十里
東界玉琢滿莊西界柯坪縣城境南界戈壁北界薩依里克
莊

城內區內有何古蹟祠廟橋梁市鎮學堂

古蹟 無

祠廟

萬壽宮在本城內南向

文廟已稟准請款修建正在購辦磚料擬明春興工
社稷壇

神祇壇均在本城南門外半里

武廟在本城內南向

城隍廟在本城內南向

龍神祠在本城南門外里許南向

劉猛將軍祠在本城南門外里許南向

方神廟在本城內南向

坊表 無

橋梁 一在城南瑚瑪喇克河水流散漫河滂甚多設橋數
道並設渡船濟之 一在下流和闐交界處所不便設橋祇

設渡船數雙

市鎮 查本城北關市鎮約二百餘戶又阿音柯暨渾巴什河瓦提等莊均有合面街道人煙甚稠

學堂 查學堂祇城內兩所上年一就原有義塾改為纏蒙養學堂一添設漢蒙養學堂教習各一員學生各七名

山

某山在本境治之所方向若干里何區內或盤亘數區山之何方距何水若干里山內有何水源其水向何方流

按本境多係平原曠野惟阿音柯莊西行八十餘里與烏什交界處有庫魯克均山脈發葱嶺表延烏什而入本境盤亘三四十里山北距瑚瑪喇克河約百里山勢漸平並無大宗

水源

水

叙水道之源委約分為四

有源委全在本境者

無

有委源均不在本境者

按城南二十里曰瑚瑪喇克河源出於溫宿縣西北之楚克達爾山南流至溫宿縣南界之巴黨村與烏什西來之托什罕里克河匯始東入本境阿音柯莊地方折南經渾巴什莊地方水經注所稱過該處為渾巴什河者此也復東逾曲垣莊柯柯巴什莊至哈拉塔莊下流百餘里復與南來之喀什

噶爾北河暨葉爾羌南河相匯至紫里地方始出本境界再與和闐合為塔里木河以達於羅布淖爾是為黃河真源其水灌溉境內民地東正流渾巴什曲垣各莊概係挹取此水注蔭西行文流經河音柯莊折南流河元堤莊仍向東入哈拉塔莊地方以匯本河約計此水流行境內三百有餘里耳有源在本境而委在他境者 無
有源在他境而委在本境者 無

道路

一東下省會幹路自本境治地起出城東門東北行里許即出本境界與溫宿縣屬之札木台驛官路接

一西上喀什幹路自本境治地起出城南門南行二十里過瑚瑪喇克河折西行四十里至渾巴什驛二十里至河音柯莊分兩支路一南行八十里至羊瓦里克莊一東南行四十里至渾巴什莊自河音柯起西行二十里至薩依里克驛又分一支路南行八十里至羊瓦里克莊自薩依里克驛起西行盡屬戈壁八十里至喬里呼圖驛向西南行七十里始出本境界與柯坪縣屬之齊蘭台驛官路接

一南赴和闐經路自本境治地起出城南門折東行十里至

曲垣莊五十里至柯柯巴什莊分一支路南行十餘里過瑚瑪喇克河至渾巴什莊自柯柯巴什莊起復東行七十里至哈拉塔莊又分一支路過瑚瑪喇克河南行八十里至何瓦堤莊由哈拉塔莊起旋折而南行戈壁二百三十里之紫里地方始過交界瑚瑪喇克河與和闐北路接
一北路赴溫宿縣城二十五里自本境治地起出城北門數里即出界與縣屬南路接

物產

分天然產

詳下

製造產

無

動物

查本境屬阿瓦堤莊與巴楚州昆連間產鹿茸豹皮狐皮從無取而製造者惟鹿茸有鄉民取之為數無幾至牛羊馬匹雖有孳生亦無成群大宗者

植物

查本境大米小麥苞穀青稞胡麻豌豆芝麻桃杏香梨平果沙棗西瓜甜瓜均產祇供地方食用惟大米較為著名所產不多耳

礦物

查本境礦產惟庫魯克均山產鉛苗雖旺而需費過鉅銷路

不暢稟蒙仍行停辦以節糜費其餘金銀銅鐵各礦歷無聞也

商務 本境所產之物 所製之品

何項在本境銷行每歲若干

查產鹿茸在本城市鎮銷售歲約四五架又產稀稀布栽絨
綫亦在本城銷售歲約數千匹又數十鋪之譜

何項運出本境在何地銷行每歲若干

查皮毛兩宗間有洋商販運出境每歲羊毛不過萬斤羊皮
不過千數百張內外

自他境何地運入本境之何貨物在何地每歲銷行若干

查外洋各色花布自喀什陸運入境在本城北關市鎮銷售
祇數家歲銷不過數十百匹大幫多在溫宿縣城故也又官
菜自內地陸運入境在本城銷售每歲亦祇數百塊其餘京
莊南貨歲銷無多其數無定額焉



古籍电子书

欢迎您的光顾

网址：<http://www.xy980.net>

QQ:77815100 电话:15879335110

联系制作：古籍电子书工作室